

晉溪本兵敷奏

為存留兵備官員以安地方事

看得巡撫山東都御史黃瓚等奏要將武定州兵備
餘事不必裁革一節臣等查得天下兵備官員俱成
化以來權宜添設原非

祖宗舊制正德六年流賊蜂起添設雖多皆擬事寧
裁革正恐紊亂

舊制本部先因給事中間欽具題要將各處新舊兵
備定擬存留裁革奏行各該巡撫巡按計議前來成

化等年設立者俱各存留正德六年新設者止留徐州一處餘皆裁革奏蒙

欽依特留九江一處其武定兵備亦在裁革之內臣等初意惟欲恪守

舊制欽遵原擬非惜添設一官廩祿供給之費也今都御史黃瓚等奏稱武定兵備例雖當革而實不可革跡雖若擾而實利於民固非原擬暫設之意亦不詳臣等欲革之由况武定地方弘治以前原無兵備不聞人民便於騎射輒起為盜逮至正德六年盜賊猖獗議者始設兵備謂其可以遏賊勢於方張而賊

益縱橫卒致

命將出師調動邊兵動經歲餘方能剿平似兵備之設又為無益且古之弭盜者逐捕吏今之弭盜者設捕吏是何古今之不相及况前項地方見有守巡官員兵備事宜皆其當行職務若又常設兵備不惟紊亂官制事愈紛更抑且政出多門人難遵守况本部題奉前項

欽依遵行未久朝令夕改甚非政體所宜見今巡按廣西監察御史朱昂具奏兵備與分巡官行事掣肘要行裁革誠為有見合無移咨巡撫都御史黃瓚查

照先年巡撫都御史馬文升奏准事例嚴督分巡分
守官不時往來巡歷地方提督軍衛有司撫安軍民
禁捕盜賊不許常住省城推託誤事其暫設兵備僉
事仍照原擬裁革正德十一年六月二十二日具題
奉

聖旨這兵備官既該鎮巡等官節次議奏不可缺人
還暫照舊添設防禦盜賊待後年成豐稔地方寧靖
之日依擬裁革欽此

為申明地方利病撫安軍民等事

看得刑部咨送鎮守太監黎鑑奏要比照張詠余慶

事例乞降

特勅管理詞訟一節查得先年各處鎮守太監並無接受詞訟事例正德二、三年太監張詠等受詞害人正德五年荷蒙

皇上明見萬里查革改正悉照

祖宗成規行事今太監黎鑑不遵原奉

勅諭奏要照已革新例特降

勅書兼理詞訟設若准奏天下鎮守太監必來比例具奏是弊端自黎鑑啓之係干更張關繫匪輕刑科論其故違不敢隱默本部執守

舊章豈敢阿從合無請

旨切責太監黎鑑令其恪遵

成憲安靜行事不可聽信下人
操生事輕啓弊端
其地方詞訟問斷不公遵依

祖宗欽定憲綱聽巡按御史并按察司官舉劾拏問
若又不公許被害之人依律赴京伸訴正德十二年
六月初九日具題奉

聖旨只照勅內行事不必紛擾欽此

為議處地方以保障生靈事

看得御史陳克宅所奏大意謂山東地方盜賊隨捕

隨起非不畏死皆因賦繁役重民不聊生所致指言

五事議處興革而又歸重於得人薦揚叅議蔡天祐

等欲加旌獎以責實効誠為知本之論內民壯一事

深切時弊不獨山東為然合無本部行山東并各處

布政司直隸府州通行所屬內除備邊民壯照舊外

其餘悉依御史陳克宅所擬各在本州縣操練有事

調用事畢即便放回本州縣操練不許無故調取聚

集一處幫貼盤纏科擾害民敢有故違聽巡撫巡按

官糾舉究治及許被害之人赴京奏告其餘田地

蕪差徭繁重稅糧負累興脩水利等事咨行戶工二

部查議覆奏定奪及叅議蔡天祐陳黃副使舒晟李師儒僉事黃昭道王億內捕盜有功者候本部前奏命下之日賞賚獎勵外本部再咨吏部行巡撫巡按官旌其賢能責令將御史陳克宅所言事件著實舉行庶使民得安生盜賊自息正德十五年七月初八日具題奉

聖旨是各州縣民壯只着在本處操練有事調用事畢即便放回不許無故調取聚集一處科擾害人你部裏還通行各處布政司及直隸府州縣衙門知道這所奏事情着山東撫按官嚴督所屬務要着實舉

行毋得虛應故事欽此

河南類

為專捕盜慮民兵以祛民患事

看得巡按河南監察御史許完所奏捕盜當有專官等四事不為無見理合開立前件議擬明白上請定奪正德十一年三月十三日具題奉

聖旨是准議欽此

計開

一捕盜當有專官前件看得所言要添設捕盜官一節查得節年添設捕盜官員俱係一時

言官考卷之三十一
三十一
權宜事寧俱當裁革其原額數目官制已定
係干

國初創立制度難擅改議但委任人之意誠為有理
合無行移巡撫河南都御史將教閱民兵緝
捕盜賊一事專責各州縣掌印正官提督整
理選委佐貳相應官管領操練如佐貳缺官
及無相應官可管正官帶管捕盜官不必通
設其所奏查考功過轉陞及選用巡檢一節
合咨吏部查照施行

一民兵不宜太濫前件查得為陳愚見祛宿弊

以安軍民事該巡按直隸監察御史楊瑛奏
本部議得我

朝舊制自京師以及天下設置衛所編充軍伍幾至
百萬令州縣百姓供給糧賞計天下田租之
入太半供軍專為防姦禦侮軍以衛民民以
供軍未聞軍衛之外復有民壯之設也自正
統十四年軍伍消耗邊情緊急始議召集壯
勇以自護衛蓋一時權宜之計事寧之後即
當罷革民兵以示休息脩明軍政以復舊規
而年復一年因循未改至於給事中孫孺建

議選民壯以振天威本部先任官依擬通行天下照里編僉民兵之害遂流至今言者屢欲查革而本部因襲憚改終不能救今御史楊璵奏言臣等不敢忽處合無通行各處巡撫巡按官會同三司等官查勘但係弘治七年給事中孫孺奏准新設民壯通行革罷與民休息不許再行勾擾其正統年以後弘治七年向前原設機兵民壯及山西陝西等處原議備禦各邊民壯俱照舊存留本部議擬未盡事理悉聽巡撫巡按三司官從宜施行

等因正德十年七月十一日題奉

聖旨這民壯還照舊行欽此今御史許完奏稱河南
民兵不足為輕重深為民害反覆辯論利害
明白正與御史楊瑛并本部各議事理相同
今若固守給事中孫孺之淺識不從御史楊
瑛許完之至論稍為釐革誠恐百姓困苦逃
亡日衆臣等於心實所不忍也合無本部行
移巡撫河南都御史李充嗣查勘河南所屬
州縣見在機兵民壯除原設有者照舊存留
外但係私治七年給事中孫孺奏准添設民

壯盡行革罷與民休息雖係舊有中間里分
有多寡民力有貧富應多設而或少應少設
而或多或少如御史許完所言聽其從宜損益務
使民力節省緩急得用回奏查考

一教閱當有定法前件行巡撫河南都御史依
擬教閱無故不到者依律究治或量拘役不
許有司罰害

一替役當有常期前件查得先為乞明編僉民
壯事該巡撫山東右副都御史何鑑題稱民
壯之設專一守護城池遇警調用有司官吏

直待消乏更替乞將民壯俱准十年一次審
編但有年老殘疾病故等項俱准僉換不必
拘其消乏等因該本部議得自弘治十二年
為始每十年通行查審看驗一次中間但有
年老殘疾病故人丁消乏等項悉與僉換若
本戶見有壯丁十名以上家道殷實仍於本
戶內僉取壯丁更替再當一輩事故之日不
許再於本戶內僉補其十年審編之時分巡
分守并府州縣正官務要親臨逐一查審照
依黃冊次序將丁糧相應之家從頭僉替毋

令下人作弊獨損貧民果係仕宦之家并軍
匠灶籍比民量加優免中間果係正統景泰
成化初年應當到今者如是告要更替查勘
是實亦與僉換等因弘治十一年十二月十
八日題奉

孝宗皇帝聖旨是欽此今御史許完奏要将民壯或
五年或十年通為僉替查有前例且行蓋是
有司奉行未至以致負累今無本部備咨巡
撫河南都御史李充嗣查照前例遵依施行
為陳情分辯斬獲首賊照例陞賞事

臣等參詳得劉三罪惡同於趙風子甚於賈勉兒等
王謹射重劉三割取首級兩次經巡按御史勘實比
與趙成盤獲趙風子王斌等緝獲賈勉兒等事不甚
異及至論功趙成以軍餘陞正千戶賞銀一千兩王
斌等各陞實授二級王謹獨不蒙錄似有不平雖稱
曾經問擬杖罪罰俸原無准功贖罪功罪自不相掩
合無將指揮王謹比照趙成王斌等事例量加陞賞
臣等未敢擅擬伏乞

聖裁正德十一年五月十四日具題奉

聖旨是王謹准照王斌等事例陞二級欽此

為專責成脩武備以安地方事

議得唐虞稽古建官惟百自漢以來在外設官不過守令而已至於有元始置行中書省及按察司官我朝改行省為布政司按察司仍舊又設都司以專軍旅之事其初皆有額制厥後增設寔多查得河南一省都司見有掌印佐貳京邊領班都指揮共九員守備都指揮二員巡捕都指揮一員布政司除額設外增置管糧撫民叅政二員按察司除額設外增置管河管屯提學兵備副使僉事共五員及查河南按察司分巡設有大梁河南河北汝南四道除守備都指

揮外每道各有分巡分守官二員內汝南一道所轄
不過二府共有布按二司守巡撫民官四員一省地
方事情既有三司官分理又有巡撫都御史總理立
法不為不密任人不為不多又查得按察司分巡各
道國初定立道名鑄降印信僉事出巡一年更代振
肅風紀禁革奸弊凡事悉該清理與監察御史出巡
憲體相同今巡撫河南都御史李充嗣等奏要將大
梁河北河南三道分巡官俱帶管兵備緣兵備事宜
係分巡官當行職務不須再議其稱分巡官俱於衝
要緊關處所常川住劄查與

舊制有碍擅難准擬又奏要暫設都司巡捕官一員
按察司巡捕官一員兼理軍民詞訟舉用僉事甯河
署都指揮呂壘切照河南地方廣闊若止令僉事一
員巡捕又兼詞訟未免與守巡官行事掣肘顧理不
周守巡官得以推託反致誤事又查得先該巡撫都
御史蕭翀等考選得河南都司署都指揮僉事張瓚
堪委巡捕已行委用撫治鄖陽都御史任濟叅奏守
備南陽署都指揮僉事呂壘推病誤事已行罷革今
都御史李充嗣舉用呂壘巡捕不見聲說原委巡捕
張瓚有何不堪委用緣由難便定奪合無本部行文

巡撫河南都御史李充嗣嚴督三司守巡等官務要
查照先年巡撫都御史馬文升題准事例不時巡歷
該管地方提督軍衛有司撫安軍民禁捕盜賊原設
官軍民快如法操練毋容私役賣放仍嚴督歇班都
指揮夏廣遵照原奉

勅內事理將下班官軍按月點閘不許縱容四散遠
去如遇盜賊勢衆兇惡照例統領追剿毋致滋蔓一
面火速奏

聞朝廷自有處置及令巡捕署都指揮張瓚將原有
巡捕官軍在於省城外教場常川操練遇有賊報指

晉書卷之八
授方畧刻期追捕若果張瓚不堪委用呂璽可用再
行明白開奏更換其奏要將河南按察司管屯官帶
管兵備住劄睢陳河北酌中地方往來巡歷一節合
無依其所議本部移咨戶部請換

勅書一道齎付河南按察司管屯僉事汪正不妨管
屯兼管睢陳河北一帶兵備操練人馬防禦盜賊應
與三司守巡等官會議者公同計議而行以後盜賊
寧息照舊又看得奏內開林縣賊首郭文秀等三百
餘人封丘縣賊首閻瓚閻威等一百餘人陽武縣反
賊胡文智馬文政盧虎山等數百餘人潛聚為亂陝

西崇信縣賊李景單等二千餘人河北道接壤山西清華白廓村等處山賊過界劫掠等情除陝西崇信縣賊本部有行外其林縣等處聚眾強賊係千百人以上反亂重情未見彼處官司即時奏報顯是隱匿故違律例合無本部移咨都察院轉行巡按河南監察御史查勘奏內各起盜賊生發故違律例隱匿不報經該官員應提問者徑自提問應叅奏者叅奏提問中間如有隱匿劫害地方縱容滋蔓等項情弊從重叅究屢治本部再將前例申明通行各處巡撫巡按三司直隸府州衛所等衙門一體遵依今後但有

盜賊生發即便星馳奏報不許隱匿遲誤正德十一年五月十五日具題奉

聖旨是這林縣封丘陽武并清羊白廓村等處盜賊便著鎮巡等官督同三司守巡巡捕等官上緊用心處置撫剿毋致滋蔓其餘地方事宜都依擬行欽此

為地方事

看得巡撫河南都御史李充嗣奏報淅川等縣強賊自去年十二月至今百十成群張打旗號公行劫掠殺死巡檢燒毀文卷又據已獲強賊孫朝招稱未獲賊首楊成等八百餘名要劫淅川縣官庫及稱前賊

聚成七營八面鼓鑼四山搜劫又稱四外村店劫殺
人財等情顯是草賊聚眾將及千人殺害人民已經
日久彼處官司互相隱匿不速奏聞所據前賊合當
急為議處及該管兵備守備撫民守巡等官并司府
衛縣官通合查究合無本部差人馬上齎文前去河
南交與巡撫都御史李充嗣親詣該賊結聚劫害地
方嚴督各該兵備守備撫民守巡等官調集官兵相
機剿捕務在日下盡絕以靖地方若賊勢益將延蔓
本處官兵力不能制就便其實差人同差去人星馳
奏聞一面將賊情多寡徑自移文鎮守河間總兵官張

量調官軍前去征剿都御史李充嗣選委布政司等衙門能幹官員預備糧草隨軍供給不許缺乏本部行文張璽知會整點官軍聽候都御史李充嗣調軍公文一到即時發行俱不許稽遲失誤軍機若前賊勢已分散不在浙川等縣地方或流入別省不必調軍亦須嚴督本地方官軍用心設備不許懈怠再有天辜罪尤難逃本部再於馬上齎文交與撫治鄭陽都御史陳雍巡撫陝西都御史鄭陽各嚴督河南隣境地方守巡撫民兵備等官遇有前賊流入境內設法運謀會合剿捕不許失誤再咨都察院轉行巡

按河南監察御史查勘失事地方該管分巡分守守
備撫民及府州縣衛所巡司掌印巡捕等官通行照
例住俸過限不獲提問叅奏降級等項俱照例施行
及查被賊劫殺地方搶殺人畜等項數目失事輕重
并起根隱蔽賊情官員通行查勘明白叅奏究治再
行湖廣陝西巡按御史一體查訪有無賊情具奏處
置正德十三年三月二十二日具題奉

聖旨是這地方賊情恁部裏便差人馬上齎文去看
鎮巡等官嚴督官兵上緊相機剿捕務在日下盡絕
不許怠玩誤事其餘事宜都依擬行欽此

晉書卷之二十一
十一
為查理捕獲盜賊事

看得巡撫河南都御史李充嗣奏稱巡捕署都指揮
僉事張瓚前後捕獲強賊五百一十七名本官年力
方富才猷超凡使之當一面之寄必能成折衝之功
乞要查照盛典量加擢用一節既該巡撫官奏保張
瓚功蹟超卓又查有捕盜官拏賊積至二百名陞實
授一級事例及查山東捕盜指揮同知尹昂因就陣
斬獲賊首九名穎亦陞指揮使以都指揮體統行事
委用一省巡捕近年河南地方人民艱難盜賊不時
生發比常不同都司巡捕官若非預求得人重其委

託難以消弭。後患合無將署都指揮僉事張瓚查照前例於原職上加陞署一級實授一級請

勅一道賚付本官欽遵照依鎮巡官原會委職掌專一提督巡捕河南境內地方操練人馬禁防賊盜遇有生發即時設法擒捕毋致滋蔓貽患地方接連湖廣陝西曠賊不時嚆聚出沒亦聽與撫民守備等官會合剿捕凡事悉聽巡撫都御史調度節制合用軍馬盈甲行糧草料具呈巡撫都御史從宜處置支給有功量加賞勞誤事叅奏究問候年歲豐熟盜賊寧息之日具奏裁革正德十三年十月二十四日具題

奉

聖旨是張瓚准陞都指揮同知提督巡捕其餘事宜都依擬行欽此

為處置地方以消弭盜賊事

看得巡撫河南都御史沈冬魁鎮守太監孫清巡按御史王以斡等各奏要於西峽口脩築城堡起蓋公館營房令南陽府巡捕通判在彼住劄將原設有馬義勇一百八十名輪流跟隨徵解工食及選撥民壯三百名再加僉二百名共五百名在彼操練及提調四縣巡捕等官往來緝捕一節固是消弭盜賊之意

但興工動衆事干創始人情不便終必難行况即余
天下民窮財困凡事只宜守舊以示休息不宜輕有
更張致生擾害合無本部行文巡撫河南都御史督
同守巡兵備等官照常將官軍民壯如法操練嚴謹
巡捕遇有草賊生發量調本處附近官軍會合剿捕
除守備南陽都指揮鄭存係該管地方調用外若遇
賊衆猖獗即調巡捕都指揮張瓚統領原選人馬前
去策應務在無事安守故常以甦民困有事通變調
遣以弭大患斯稱委任正德十四年四月初十日具

題奉

聖旨是這所奏脩築城堡餼撥民壯等項事宜有無
違碍還着鎮巡等官再議處了來說其餘依擬行欽
此

為陳愚悃以保安地方事

看得兵科給事中李學奏稱訪得河南魯山寶豐葉
縣等處地方盜賊生發百十為群邀截過客劫掠鄉
村周流數縣其駭物聽訪是洛陽中護衛屯積年
惡黨有司官入格於勢分不敢制防捕盜等官暫時
逐捕隨復結聚竊以汝寧南陽設有兵備不管分巡
號令輕而威權徵難以責成乞要本部詳加議處合

兵備分巡之權以責治安之效一節查得弘治七年
初議委按察司僉事一員前去汝寧府或信陽州居
住緝捕盜賊不妨分巡正德七年因流賊大亂方纔
添設僉事一員專一整飭兵備不管分巡原擬事寧
之日具奏裁革照舊於額設僉事內定委分巡今給
事中李學奏要合兵備分巡之權以責治安之效正
與舊制及弘治七年本部原議相合誠為有見及查
分巡官管理兵備係是
舊制本部節次議奏俱已詳悉合無准照正德七年
原議將添設僉事裁革仍遵

憲綱舊制并弘治七年議擬事理就令分巡官管理
操練軍馬防禦盜賊常在汝寧信陽州等處往來巡
歷應與撫民叅政及守備分守官計議者共同計議
而行照舊一年更替仍行巡撫河南都御史督同該
道分守分巡守備等官查勘洛陽中護衛屯軍如果
視非統屬恣肆為盜軍衛有司不敢緝捕事有實跡
就便移文長史司禁約提取照依律例問治輒導等
官敢有占恠撥置故縱為惡別生事端遮飾陷害者
聽巡撫巡按等官指實叅奏拿解來京治以重罪如
巡撫巡按等官容情不舉釀成大患一體叅究再咨

都察院行巡按河南監察御史查勘魯山寶豐葉縣等處果有盜賊百十成群劫掠鄉村將各該隱蔽賊情官員通查提問干碍應該奏請官員叅奏提問其盜賊如果尚在地方聚眾流劫本處官司力不能制鎮巡官即便會議督調巡捕都指揮領軍剿捕務期盡絕以安地方作急回奏查考不許坐視民患自取罪愆亦不許假以裁革兵備妄言推托混亂是非正德十五年二月二十三日具題奉

聖旨是這地方盜賊生發寫勅與分巡官着兼管兵備事常在汝寧信陽等處居住往來巡歷操練軍馬

防禦緝捕護衛屯軍果有為盜實跡依擬禁約處治
輔導等官有占恠撥置故縱遮飾的着撫按等官叅
奏拏問容情不舉的一體究治各該隱蔽賊情官員
都着查提了問欽此

四川類

唐時吐蕃入寇至長安代宗出奔陝州郭子儀
擊之遁去今四川松潘番賊是也

朝廷即其地屯兵拒守雖無深入之患而時肆
標掠邊鄙受害轉輸供餉全蜀病焉必欲使其
畏威遠遁不敢侵犯非食足兵強有以制之惡

能然哉且環蜀之境皆蠻夷如西陽播州天全
之類

國初皆置土官以羈縻之惟敘瀘棘蠻未曾置
官屢為邊患若松潘敘瀘二賊並侵則調兵給
餉尤為難也正德四年冬盜起東鄉不過三五
十人有司不早撲捕積至數千又匿不以聞是
時番蠻少靖而盜至數萬民墜塗炭逾六年始
平適瓊改兵部覆奏諸臣功過深究初起隱匿
之罪而寬後來失事之罰厥後番蠻侵擾守臣
不敢匿調兵征剿雖互有得失而不至大舉深

入蹂躪內地又奏令憲臣巡行郡邑禁止科害
撫安軍民以固邦本蜀之為蜀庶幾其小康也
為辯明虧枉分豁生擒賊首功次事

看得四川德陽縣典史舍人朱璇奏稱同伊父生擒
賊首雷伯定等九名未蒙錄用奏行都察院與見在
賊首雷伯定等五名面審委係朱璇父子生擒是的
題奉

欽依咨來查處一節查得紀

小開朱紀獲賊

一名雷伯定劇賊數內查無姓名詐從賊論擬賞銀
五兩本部已於正德九年十二月內題奉

欽依賞銀訖後該朱璇節次具奏俱經本部查照立
案不行今朱璇奏行都察院責與賊犯雷伯定審證
明白題奉

欽依查處臣等議得近年以來各處征剿流賊獲功
人員不計其數為恐冒濫無憑所以

朝廷專差科道官領

勅前去隨軍紀驗備造文冊奏緣本部查照陞賞遵
行已久係是舊規今若冊外無名之人許其奏辯槩
擬陞賞誠恐事無憑據奸人効尤弊源一開末流難
塞况朱璇所奏若果是實其紀功官造冊不實亦合

晉江奏請卷之二
有罪所據朱璇功次擅難議擬正德十年九月二十九日具題奉

聖旨是朱璇父子原擒獲的既與尋常劇賊不同准陞他二級欽此

為陳情比例行取親信人役以供軍務事

參照四川總兵官吳坤奏要比照貴州總兵官李昂奏帶錦衣衛等官舍李昇等事例將錦衣衛冠帶舍人王振等四名及湖廣永州衛軍餘范保等十名應付前來防範爪探一節於例有碍其李昂奏討頭目之時本部原擬止許五名後准帶二十二員名係出

特旨本官亦不合妄行援引奏擾既該兵科叅出相應究問合無將吳坤量加罰治本部仍行巡撫四川都御史馬昊轉行本官照依應得事例另行具奏定奪正德十一年四月十八日具題奉

聖旨是吳坤先究問奏帶人員都准他欽此

為地方事

看得巡撫四川都御史馬昊等奏稱四川敘州地方蠻夷聚眾捏造妖書勢甚狂悖殺劫燒戮夷漢驚惶已行兵備僉事趙履祥守備都指揮杜宗調兵撫剿及稱安綿地方番蠻見在出沒總兵官吳坤在彼鎮

歷調度都御史馬昊督軍親臨處分一節既該各官
議處調兵撫剿別無定奪但詳奏內開敘州衛指揮
劉芳呈正德十一年二月二十二日據報賊燒劫
事情烏蒙軍民府申正德十年十二月二十七日據
報羿蠻妖言劫害事情又稱正德十年內亦被芷部
府羿蠻假稱仙人糾衆作亂殺害地方已經通申上
司等因不開正德十年是何月分通行申報中間顯
有隱情切照正德四年四川地方盜起為因本處官
司隱匿不報以致蔓延為害糜費億萬殺戮無算本
部已經叅奏追問誤蒙

寬宥前項律例節次申明通行未見遵守如前項奏
內拜蠻作亂殺害地方事情已於正德十年內通申
上司至今日久聚眾數千勢甚猖獗方纔奏報其隱
匿誤事官員難再輕縱合無本部移咨都察院轉行
四川巡按御史查勘前項奏內各起賊情如果通申
日久隱匿不報以致滋蔓有違律例將隱匿官職名
叅奏提問治以重罪不許姑息再照各官奏稱烏撒
烏蒙芒部等府極邊地方教化不行土官構禍派民
脅從官軍糧費無任繁劇倉庫空虛深為可憂一節
切照四川地方盜賊初平瘡痍未復今筠連邊境妖

人倡亂勢將內侵既難已於用兵征輸調發未免重困百姓誠恐各官謀慮不審撫剿失宜

朝廷萬里急難遙制合無請

勅一道賫付四川鎮巡三司等官公同計議將原調敕瀘等處民快等兵五千名加意撫恤如法操練務於緊要賊入地方駐劄防禦其烏蒙等府土流官員所選精兵未有數目如果調到亦要控馭方法無致乘機邀功殺害平人中間用兵會合撫剿事宜必須相機隨宜既不可退縮畏避縱賊搶掠亦不可貪功

深衣鑲隙賊詐期合用種軍務要設法稽運毋致誤

逃亦不難定與科糧運與邊境兵備無官各事
不時巡歷加意撫安不許偷安自便互相推託倘有
故違似前失事

國典具存決難輕貸若蠻賊已退地方寧息星馳奏
聞正德十一年五月初一日具題本月初三日奉
聖旨是四川地方盜賊初平今各種蠻夷又相扇搆
禍人民重被其害便依擬寫勅與鎮巡等官督同各
該官員相機撫剿務要計出萬全不許輕率誤事調
來土漢官兵亦要加意撫恤控馭毋得縱令生事擾
人自取罪戾欽此

為魏蠻聚眾攻圍城堡陣止兵勇緊急調兵救

援事

該巡撫四川都御史馬昊奏稱會同鎮守太監王保
總兵官吳坤議照楚人雖遠夷種類其間如阿田阿
羅阿尚等皆筠高等縣版籍編民非化外遠夷不通
聲教不可比始與流民有隙遂致紛擾不忍加兵既
而安撫漸定乃敢叛逆攻圍邊堡殺死戍軍劫掠燒
毀無所忌憚原情論法罪不容誅但朝服暮叛夷性
之常急於進勦固無不可然濫及無辜必傷和氣况
前項地方寔與我邦都鄙無異其民皆我之民

難事處諸矣附格後遺事遺禍結益無窮也而兵糧

不繼雖悔何追安可輕舉自取損威臣仍待敘瀘兵

備僉事趙履祥督同原委各官推審復叛情由示以

禍福利害再加撫處若果聽從省諭守分安生憫念

犬羊不與見盡隨俗處分俾無後艱另行具奏著執

迷不返仍前放肆則是此賊罪惡貫盈天祐其鬼我

之詞義嚴正師出有名一面行烏芒二府調集土兵

刻期前進臣等量調成都等衛官軍酉陽土兵新遠

等州縣鄉勇分路夾攻直搗巢穴及照戎珙所轄都

掌間與雙擊夷人素有嫌隙者誘之以利使之截殺

於中以破其協謀合勢務俾背腹受敵膽落魄驚家
業蕩空渠魁授首餘黨喪亡無復嘯聚除地方之兇
殘雪官軍之耻辱懾諸夷之點驚致一隅之太平計
出萬全事在此舉若夫臨敵應變因事相機戰守進
止又在將領調度運用實非可以預言者然征剿莫
先於賞罰賞罰莫要於紀功如蒙乞

勅兵部詳臣所擬別無異議速行都察院行巡按
御史如果甚不得已進兵征剿獲有首級不妨本等
職務親臨紀驗事寧擬奏陞賞等因該本部議得合
無齋免交與都察院

勅內事理施行設法撫處如果前賊向化各安生理
不必進征勞民動衆必須安插停當保無後虞倘或
執迷不服應合進兵相機進剿務在計出萬全事無
一失仍咨都察院轉行彼處巡按御史不妨原差隨
軍紀功敢有妄殺平人等項就聽紀功官指實叅奏
正德十一年八月初一日具題奉

聖旨是這地方撫處等項事宜都依擬行欽此

為捷音事

看得巡撫四川都御史馬昊奏稱會同鎮守太監王
保總兵官吳坤巡按御史熊相叅照已殺反賊普法

惡等本異類，隸人敢倡為逆，亂捏造天降兵書，妄起世出王母，僭號稱王，聚兵積穀，用圖北寇，欲遂南侵。於毒生靈，姦汚婦女，一方被其搔擾，全蜀以之驚惶。已獲阿元、阿勝等，甘於順從，尊為共主，駕黃屋而奉迎，製冕冠而投拜。合家遇害不止三人，剖腹分尸，慘於支解。頃者兵臨敵境，所向無全。一鼓而渠魁就戮，再鼓而黨惡即擒，巢穴盡平。餘黨降撫，要平皮邦興等，比照廖麻子事例，倍加陞賞。副使郭東山、僉事石祿、叅政彭杰，當即陞擢都指揮張麟、杜宗、曹昱，指揮等官潘武、何定、陳錠、任光、祖安、守知縣步梁等，并陣

西晉臣胡翔軍留等海等查明陞錄參政吳晟初致
使胡宗道張琮參政華泉按察使華璉副使楊偉同
奎都指揮張傑招討高繼恩楊世仁宣撫冉儀長官
悅保光土舍冉漢楊文秀照磨吳志廣同知盛慶頭
目何濟黃俊石崇通判白釗經歷尤可主簿楊企驛
丞劉仲端梁旦蘇民望等量免行查厚加賞賚及稱
阿元等俱重犯合無并阿讓等俱解京發落惟復將
阿讓等解京給付阿元等就彼行刑老疾阿隆等給
人養贍或別有定奪等因及看得鎮守太監王保奏
內又稱臣盡犬馬微勞不足圖報於萬一竊見都御

史馬昊奇才不偶戎務孰知經年冒險忘身親征逆
寇平彌總兵官吳坤大施帷幄卒致全捷御史熊相
協贊兵機風紀遠振合無比照先年都御史彭澤等
征剿廖麻子等奏捷事例將都御史馬昊總兵吳坤
御史熊相不次陞擢總兵官吳坤奏稱臣因人力以
安邊敢言功而望外但如巡撫文臣戎政兼舉全蜀
獲安鎮守內臣心膂重寄鎮靖遠藩紀功御史糾察
詳明兵無妄戮等因查得正德九年三月內為捷音
事該鎮守四川太監韋興奏稱都御史彭澤晝夜奔
馳苦心焦思要將彭澤等特加秩秩擢用等因本部

尚書陸完等議得庾廩子首附藍鄂以倡亂再集黨
與以偷生流劫七年貽禍三省不數月而盡除若候
造冊到部方擬陞賞不無失之遲疑似合速加陞賞
以為將來之勸等因覆奏奉

欽依將彭澤陞太子太保左都御史時源陞左都督
歲加俸米一百石鎮守太監韋興歲加祿米十二石
冬廕子姪一人世襲百戶馬昊陞右副都御史紀功
給事中王萱陞通政司右叅議御史何棐南京太僕
寺少卿又將斬獲庾廩子為首軍人黃回兒陞世襲
指揮同知賞銀五千兩臣等竊議四川藍鄂等賊流

劫數年節次平剽斬首萬級其後廖麻子乃其一枝
殘賊彼時原奏明開廖麻子被官軍殺敗沿山奔走
軍人黃回兒等一齊撲斫斬獲首級比與勢未解散
對陣擒斬者似有不同及查前此擒獲藍馬等賊首
賞格未有如此之重是殺賊於猖獗之日者賞依常
格滅賊於殘敗之後者論功獨厚揆之公論終有未
安今馬昊等又奏要將皮邦興等比照廖麻子事例
倍加陞賞如果臣等前議為是黃回兒等功賞似難
引比為例及照普法惡等叛逆事情雖經本部前項
節次議奏不許貪功妄殺及於彼處鎮巡官會同巡

按御史熊相叅詳議奏委係逆賊今已剿平地方寧靖并斬獲賊級已解覆驗過一千五百餘顆未驗一千三百餘顆所據巡撫都御史馬昊鎮守六監王保總兵官吳坤巡按御史熊相及供饋軍餉監督軍哨等項有功副使等官郭東山等應否比照都御史彭澤等剿殺殘賊廖麻子事例不候造冊分別等第速加陞賞事功同異臣等難以定議均乞

聖明裁處其餘有功官軍并皮邦興等合無本部移咨都察院行催原委紀功御史熊相上緊紀驗造冊奏繳至日另議施行仍行四川鎮巡官會同巡按紀

功并三司掌印等官將見獲重犯阿元等再審無異
就彼行刑各犯親屬阿讓等解京照例給付阿隆等
既稱老疾不堪起解量發本處殷實之家收養正德
十二年五月十三日具題奉

聖旨是這逆賊既已剿平地方寧靖鎮巡并紀功督
餉督哨等官俱勞績可嘉今分別等第陞賞王保歲
與祿米十二石吳坤陞署都督同知馬昊陞右都御
史還各廕子姪一人做世襲百戶熊相先陞俸一級
待有相應員缺陞用他郭東山等各陞一級其餘有
功等項官軍并皮邦興等該陞賞的還着紀功官上

緊紀驗明白具實奏來定奪阿元等着鎮巡等官再
審無異便都依律決了阿讓等差人解京給付老疾
不堪起解的依擬行欽此

為飛報番蠻攻撲城堡事

看得巡撫四川都御史馬吳奏稱會同鎮守太監王
保總兵官吳坤巡按御史盧雍議照按察使華璉等
會議得松潘番情先將首惡端竹白等剷除以舒目
前之急然後斟酌事勢應否添處兵糧以圖大舉似
為有見况張傑先已動兵使不乘此殄滅將來糾眾
攻破各堡阻截東路恐難救解臣等議處太監王保

護守會城總兵官吳坤量調酉陽天全并新達等州
縣成寧黎雅等衛所土漢官軍二萬餘員名親入巢
穴會同副總兵張傑等分布相機併力戰守合用糧
餉及犒勞銀牌牛酒等項各官議擬停當速行督糧
叅政孟醇分守布政華璉叅議張澤等分投催攢完
運若端竹白等既平其餘稔惡不俊自起驚耗師方
退還禍即旋踵必須限以歲年調集兵糧陸續困剿
務期平定所慮兵戈動舉全蜀安危所關實非細故
乞要本部將用兵進止機宜再加會議擬奏裁處示
下遵奉撫剿及行巡按御史隨軍紀功除一面先發

成都等衛官軍二千餘員各夾動調容兵備運糧米協
謀幹理然兵難遙度事變不常候臨期或有重大者
另行奏請定奪等因又看得奏內開稱會勘得松茂
疊溪一帶關堡設在諸番巢穴之中自弘治正德以
來番賊殺死居民不下三四百餘人被虜者不下千
計提督都指揮等官因失前事問擬降級充軍等項
非止一人見今將協守提督都指揮李昇指揮吳冠
周倫侯琛等提問未結弘治十七年曾

命都御史劉纓調兵征勦各番畏懼聽撫兵止不征
自後番賊攻堡殺人守堡官軍或殺一番便問擅殺

激變之罪或折一軍即加失機誤事之罪各官垂首喪氣只得順情撫處以此各番倍加猖獗求索無厭少不如意攻堡殺軍阻路劫糧為惡萬倍又將旗軍百千餘名借討做工凌辱累死指揮范剛等七員將俸糧送與番賊買和俱各餓死事發又問剋減軍糧之罪守堡指揮張瑞見被拘留等情臣等反覆叅詳其說仰惟我

祖宗朝於番夷巢穴之中設立關堡屯兵戍守惟欲限隔華夷以安生民若其聽撫固當懷之以恩如或攻堡殺人即當懼之以威今私葺蕃城種類相繁勢

漸擾盛居民被其殘害官軍被其殺虜南路關係奉
占過半若再因襲舊弊姑息不處不惟守邊官軍受
害不堪抑恐松茂失守內地因而擾動今既該四川
鎮巡三司等官會同計議兵不可已中間處置又各
周悉况副總兵張傑膽畧過人累獲軍功太監王保
都御史馬昊總兵官吳坤皆能協心為國謀議相同
內馬昊又能身任其事素諳戎務委用責成必不敢
負但兵難遙制事在專委合無請

勅一道就令差來人賫回交付王保馬昊吳坤張傑
等悉依原奏會議內事理調兵集糧運謀征剿若端

竹白等既平其餘果能畏服一面隨宜安撫一面設
法運謀調集兵糧陸續圍剿不拘限期凡事必須隨
宜而行不可拘執原議惟在處置得宜使內外安靖
斯稱委任事畢有功照例陞賞必不吝惜如或處置
乖方貽患地方罪必有歸亦不輕貸前項干預用兵
鎮巡等官待候征剿事畢之日方許推舉別用各官
亦不許擅自離任失誤軍機再請

勅一道賫付巡按四川監察御史不妨原務隨軍紀
功糾察奸弊及照各官奏內開稱松潘地方連年獲
功屢經具奏不行勅諭亦已解體邊威不振亦

都察院行催原勘官上緊勘明回奏不許似前
遲延正德十三年七月初十日具題奉

聖旨這地方用兵事宜并紀驗功次等項着鎮守巡
撫巡按等官都依擬行寫勅與他欽此

為十分緊急賊情事

看得巡按四川監察御史盧雍所奏雙蠻攻劫高縣
慶符縣事情及叅敘南衛指揮王齊金正廖永畏敵
退奔冒功遮飾守備都指揮杜琮買和招募兵稱賊
首謝文禮已就斬獲分守右叅議崔旻分巡僉事王
芳敘州府知府陸芸俱各憑杜琮虛報妄稱謝文禮

已死及稱臣輕信各官之報轉奏乞要將王齊等提
問將臣罷黜等因查得杜琮先該御史盧雍參奏已
該本部前項議擬提問及崔旻王芳住俸戴罪防賊
外合無本部移咨都察院行巡按四川監察御史將
指揮王齊金正廖永俱提問與杜琮一併議擬罪名
奏請定奪如果有買和啓衆逗遛失機等項重情牢
固鎖肘差人解京送都察院從重問擬奏請發落崔
旻王芳仍依原擬戴罪防賊并知府陸芸通候賊情
寧息之日參奏提問其御史盧雍先因奏報賊情止
德各官所報與奏事無息迨又自認罪合無免究伏

乞

聖裁及看得御史盧雍奏內又稱只今魏蠻謝文義謝文禮等見在上中下白水江寨聚劄約有一千紉合流民共約有三千如若結構葛魁黃永等處羿蠻難以數約一節臣等竊聞魏蠻等賊為害四川其來已久洪武永樂宣德以來屢調大軍征剿景泰元年賊劫長寧等處僉都御史李匡招撫已平明年復叛殺死運糧官員天順六年燒劫長寧鹽場副總兵許貴招撫明年又叛攻破江寧等縣成化元年都御史許浩都督內成征討勞費無算近年播州土官楊愛

等爭田警殺流民藍廷瑞鄔本恕等乘之倡亂全蜀
騷動吏民死者以數萬計軍餉所費以億萬計用兵
首尾五六年至調邊兵徃征方底平定今如御史盧
雍所奏賊首謝文義等聚集流民已至三千構結諸
種蠻夷又難以數計臣等熟思深慮亂蜀之禍恐又
兆於此矣今若不早預處如火始燃勢必燎原但用
兵禦侮先宜內撫百姓四川地方科差繁苛痼弊已
極見今松潘用兵財力俱困今又棘蠻內侵難以再
議用兵必須從宜議處整頓兵糧責令新任守備都
指揮并兵備守巡等官設備固守來則拒之去則勿

迎待候地方豐收事寧另議處置庶為穩當合無請

勅一道差人馬上賫送四川鎮守太監總兵官巡撫
都御史及巡按御史三司官從長計議防禦賊蠻事
宜一面嚴督敘瀘守備兵備及分守分巡等官預備
兵糧相機戰守再有失事罪不輕貸一面將應行事
宜星馳具奏不許遲誤按察司分巡官不時巡歷地
方撫安軍民禁止科害以安人心一應不急徵科俱
暫停止臣等又聞先差去烏思藏取佛太監劉允等
尚在四川未去即今四川地方番蠻作亂地方不寧
道路阻隔供給艱難乞

勅四川鎮巡官會同太監劉允計議如果可去遵照
原奉

勅旨前去若是道路不通費用浩大合無行令劉允
等暫且回京原賚去賞賜等物交付鎮巡官處如法
收貯待候四川地方賊情寧息之日另議差遣庶內
不失人心外不啓邊釁為民造福莫大於此正德十
三年十二月初六日具題奉

聖旨是王齊金正廖永都提了與杜琮併問明白奏
來定奪崔旻等都着待罪防賊待事寧之日與陸芸
一併來說盧雍既認罪嚴防禦事情還寫勅與鎮巡

三司等官從長議務要當仿嚴管守備兵備守
巡等官各依擬預備兵糧禁止科害再有失事都不
輕貸其公差太監劉允等不許在彼遲延著鎮巡等
官上緊打發催償起程入番公幹欽此

為十分緊急賊情事

看得四川清軍監察御史熊相所奏變為亂事情
及參奏誤事有罪官杜琮等并都御史馬昊等及議
處賊情等項事宜俱先該巡按四川監察御史盧雍
具奏該本部逐一議擬覆奏外今奏別無定奪其奏
內更取回總兵官吳坤一節查得先年雖未設有總

兵官然遇有邊警臨時

欽命尚書都督等官統兵征討極為勞擾天順年間
遂設總兵官在彼鎮守以便行事近年曾差昌佐楊
宏陳珣徐謙相繼鎮守今吳坤實代徐謙非創設始
於坤也見今松潘叙瀘兩處番蠻侵擾議者尚欲別
選才德大臣付之兵權以紓急難吳坤正在奉

勅勦賊之際豈宜取回合無仍候四川地方十分寧
靖之日另行議奏裁革正德十三年十二月初九日
具題奉

聖旨是吳坤不必取回這處置地方事宜選着鎮巡

三司等官會同計議來說欽此

為處置楚蠻以保全蜀事

看得刑科給事中梁本茂所奏大意謂楚蠻禍亂之
機緊關全蜀不可不急為處置其招撫之設非惟彼
決不從於我亦非佳名及長官之設可行於威行之
日難議於稔惡之餘巡撫都御史馬昊先因誤聽部
下之言專事招撫後方用兵雖有斬獲漏殄尚多撤
兵太早致有後患及知縣步梁擒殺阿尚未為不宜
蓋因給事中梁本茂生長其地熟知夷情故知馬昊
之失在於先事招撫不在貪功生事也其所奏以夷

攻夷之法極為周悉及先勦後撫約會貴州官兵等項事宜皆有所見非臆度空言但事體重大難便舉行及要寬恤被害之民一節正與本部前項議奏事理相合尤為根本之論其奏乞俯從御史盧雍熊熊相所奏添設撫臣一節緣四川所設司府州縣衛所官員四川地方所出兵馬錢糧平素皆屬巡撫官一入統理今若再設巡撫官一員各為己謀政權必不歸一有司難於奉行互相掣肘必致債事所以御史盧雍等之奏本部歷陳前弊不敢雷同誠以一省之兵財不可以聽仨人之調度一有誤處利害由此分矣

及者本官奏稱松潘番蠻聞我大舉深藏不出總兵
官張傑兵備胡澧松潘之役二人足任乞要馬昊仍
就筠連速為善處一節獨為有理合無本部行文都
御史馬昊會同鎮巡三司官計議如果征進松潘事
情張傑胡澧可以委任馬昊不妨原委往來筠連照
依本部節次議擬事理提督守備兵備守巡等官預
備兵糧相機戰守仍將給事中梁本茂所言以夷攻
夷方畧再加詳議如果可行星馳具奏定奪務在詳
審慎重謀必預定不可輕忽鹵莽及因循顧忌致成
大患全蜀受害咎必有歸其以前征勦夔蠻有功已

經御史熊相紀驗造冊陞賞過人員難以革罷知縣
安梁擒斬阿尚不必究治守備都指揮杜琮從重治
罪差去烏思藏太監劉允取回被害地方軍民一應
差科俱暫停止具奏定奪正德十三年十二月十六
日具題奉

聖旨是松潘征進事情并以夷攻夷方畧着馬昊等
再議處了來說原征勦有功人員已陞賞的光查革
杜琮依擬究治安梁罷劉允已有旨着鎮巡官催償
起程了你部裏還差人馬上賚文着他上緊進去欽

此

張公為十分緊急賊情事

看得巡按四川監察御史盧雍奏稱正德十三年八月二十二日被夔蠻三枝約有一千餘人將高縣慶符縣俱各攻劫放火燒燬官民房屋及稱守備都指揮杜琮督率官軍追剿將賊首謝文禮殺死砍首謝文義被箭打傷逃命各蠻丟棄原搶人口財物頭畜并銅鼓旗燾火箭盡被我兵奪回砍獲首級生擒儘多又往發兵追剿先該兵備僉事田荆解放江船絕其歸渡候追兵回日另報等因叅奏守備都指揮杜琮啓蒙失機瀘州衛指揮黃應文臨陣先退成都右

衛指揮常策不行策應兵備僉事田荆提督不謹分
巡僉事王芳分守右叅議崔旻防備欠嚴道合有罪
鎮守總兵官都督吳坤籌邊方略未聞巡撫都御史
馮昊輕視楚賊不思患預防鎮守太監王保難辭地
方之責但今幸仗

天威首賊謝文禮已就斬戮蠻衆亦多奔散所虜人
畜器械俱已奪獲各官之罪似應末減乞要將杜琮
黃應文常策提問兵備等官田荆等合無一體提問
惟復量加罰治鎮巡等官吳坤等合無降

勅切責惟復刻有定奪又奏乞查照正統等年都御

史冠深等提督松潘軍務事例將松潘邊務責成馬
吳務收全功以贖前罪另選才德大臣一員代其巡
撫及停止立縣增稅查給降夷田土令其復業將設
立長官司一事行鎮巡三司會勘具奏等因臣等查
得杜琮先該御史盧雍劾奏已該本部議擬覆奏行
巡按御史提問及推舉何卿等更替外所據指揮黃
應文常策既於軍法有違合行巡按御史與杜琮一
併提問奏請發落其兵備僉事田荆分巡僉事王芳
分守叅議崔旻地方失事俱應提問但賊首謝文禮
已斬獲餘賊擒斬數多事未盡寧緊關用人合無將

田荆王芳崔旻俱任俸令其戴罪防禦賊待事寧之日通查功過奏請定奪及要將都御史馬昊專一提督松茂軍務另設大臣一員巡撫不為無見但政出多門人難遵守用兵事宜尤忌牽制近年四川地方既有都御史林俊巡撫又添都御史高崇熙巡視尋改高崇熙提督松茂軍務又令尚書洪鍾總制又令高崇熙暫任重受令林俊洪鍾專制餘黨委任不一致難成功合無請

勅切責馬昊吳坤王保令其同心協力遵昭先奉

勅內事理調集兵糧征剿番賊果收全功在贖前罪

其黠蠻賊情嚴督新任守備指揮并兵備守巡等官設法防禦相機戰守務使兵食出于四川者供調本省邊備兩不妨誤應具奏者火速奏聞區處再有六事罪不輕貸其設立長官司一節合無依其所擬備行四川鎮巡三司官從長計議具奏定奪及停止設縣退還田土事情俱合准擬施行正德十三年十二月二十六日具題奉

聖旨是這黠蠻聚集人衆攻劫兩縣放火燒燬官民房屋失事情重杜琮已有別旨提問黃應文常策也都提了問田荆王芳崔旻本當提問但亦有斬獲功

次又係緊關用人之際且不提都着戴罪防禦待事
寧之日通查功過明白奏來定奪鎮守巡撫官都寫
勅切責着同心協力勉圖後効以贖前罪其餘事情
都依擬行欽此

為飛報緊急賊情事

看得鎮守四川總兵官署都督同知吳坤奏稱會同
太監三司等官計議已於正德十三年九月初三日
領率官軍兼程親詣敘州府督兵斬獲首惡謝文禮
首級誠恐大壩戎拱永寧烏芒界獠効尤騷動卒難
收拾添差都指揮劉芳等守哨領軍又差指揮尹武

等前去烏蒙芒部督調土官土舍土兵人等會合原
調漢土官兵搗穴剿殺及行僉事王芳等催調烏芒
土兵紀驗功次緣無奉有

勅旨難以行事乞要本部查議准其於敘瀘撫剿及
行巡按御史紀驗功次等因查得先因給事中梁本
茂建言要行都御史馬昊前來筠連處置夷情及本
部查得馬昊與吳坤同奉

勅諭征剿松潘番賊吳坤係主將又曾奏請

勅書聽委守巡管糧等官隨軍供給以此節次議奏
令吳坤征松潘馬昊防禦敘瀘筠連今據吳坤前奏

馬昊已在松潘吳坤已到敘瀘難再改換及督調漢
土官軍事情為恐諸夷扇動各官會議事已施行亦
難別議今無准其所奏行令馬昊專管征進松潘另
請

勅一道差人賚付吳坤欽遵照依各官原會議用兵
事宜相機行事務在慎重詳審處置停當不可任情
輕忽致有失事之功陞賞不吝愆事罪有攸歸馬昊
吳坤雖在兩地若遇事相關涉應會議者仍須協和
計議而行不許偏執自用致有阻誤其紀功一節巡
按御史既已奉旨督同巡撫王守仁等會同

勅松潘紀功敘瀘功次難以兼理合無行令俞勇王
芳等隨軍紀驗里一日經由巡按御史覈實造冊奏繳
正德十四年正月十三日具題奉

聖旨是吳坤既已到敘瀘還寫勅與他着照原議用
兵事宜相機行事務要處置停當以安地方如或任
情輕忽再貽後患罪有所歸欽此

為捷音事

叅照山東等處濟寧等衛軍人郭重興等各在四川
冒報功次事屬有違但先該四川清軍御史熊相紀
驗開造在冊奏繳本部駁查又經四川巡按御史盧

聖旨是欽此

雍查勘回稱俱係總兵官吳坤都御史馬昊准令報
効殺賊人數又不曾參究明白緣郭重興等既係隔
省軍舍宣容在彼報功若准照例陞賞不無冒濫合
無將郭重興等俱不准陞賞仍通行各處巡按御史
以後但不係奏帶人數俱不許紀驗造冊仍追究治
罪正德十四年二月初二日具題奉

聖旨是欽此

為急處番夷以救生靈事

看得四川副卷御史王偉所奏大意謂松潘惡番阻
絕道路罪固當誅若使軍守彼當不又自困都

御使馬寔經兼用其地方受害也。要將馬寔

賜罷。然若謂事已經手，擅難更易，合無降

勅切責，令馬寔只將原奏端竹白一枝，黨類分別善惡，作急剿治，不必窮追遠討，仍推選大臣一員巡撫四川，專意休息松潘之事，便與馬寔從長議處。等因。查得前項四川鎮巡官先次奏要征剿松潘番賊事，情已該本部議奏。此舉關係全蜀利害，不可輕舉妄動。貪功惹釁，後該鎮巡三司等官會議具奏，皆謂賊情猖獗，調兵剿殺事已施行，勢難中止。奏內又開兵備副使胡澧具呈巡按御史盧雍批所呈事，機明白。

忠憤激發作急議屢施行清軍御史熊相批訪得前
年以來南路關隘多失番賊尤為橫暴漸不可長機
難再得本道所呈深為有見忠義之氣凜然但事屬
巡撫衙門徑呈定奪等語本部為照馬昊所奏番賊
侵犯具有實跡又見係副使胡澧始議進兵三司等
官會議相同御史盧雍熊相各加獎許不係馬昊一
人獨專貪功生事以此依奏具題請

新行事且謂凡事必須隨宜不可拘執原議有功陞
賞不恪處置乖方貽患地方罪必有歸四川鎮巡等
官初議似亦知重本部節次議奏亦不輕忽但兵凶

戰危利害自難逆料調兵集糧不免勞擾百姓御史
王偉所言不為無見都御史馬昊見委領軍殺賊委
的擅難更易合無請

旨戒諭馬昊與鎮巡等官討議即今番賊已退可以
止兵即依王偉所奏不許窮追遠討照舊責委主兵
如意戰守原調人馬徑自發回以省供饋如或事正
舉行勢難中止仍須事畢方許掣退中間進止必審
機宜不可任性偏執若果馬昊處置乖方不能成功
虛費財力或因用兵擾動地方致生他患聽巡按御
史拍賣奏聞治以重罪及照用兵者必勞民息民者

必廢兵令御史王偉奏要馬昊專征松潘別推大臣
一員巡撫專意休息小民恐委任不一人難遵守致
誤事機擅難准議正德十四年二月初三日具題奉
聖旨是松潘事情着馬昊與鎮巡等官同心協謀隨
宜議處務要停當以安地方巡撫官不必另設欽此
為傳報逼近地方虜情事

看得巡撫四川都御史馬昊等奏稱正德十三年十
一月十一等日達賊約二三千又來松潘境外地方
搶殺人畜議得四川自

國初以來不曾聞有達賊今一旦傳報孰審驚疑邊

人惶懼等情查得前項甘肅海西地方住牧達賊因
正德九年都御史彭澤調兵驅逐遂奔四川彼時鎮
巡官急報請調延寧人馬防禦本部緣此議舉叅將
張傑陞副總兵專一防守松潘而以副總兵帶管總
兵官事吳坤充總兵官專一鎮守四川凡此皆因甘
肅達賊奔犯四川邊境故特為之區處非無因而濫
設也今馬昊等奏稱四川自來並無達賊到彼以致
邊人驚惶見今松潘用兵叙瀘等處又楚蠻作亂吳
坤與馬昊分任其事尚慮不周議者乃欲革去鎮守
四川總兵官不知當此倉卒地方大事責之何人合

無本部行文馬昊等務將所奏達賊擾邊事情從宜
議處設法防禦或撫調熟番併力外攘或乘其事變
以夷攻夷惟在保安邊陲不必遠事征討仍將議處
緣由回奏查考正德十四年三月初十日具題奉
聖旨是這所奏虜賊事情便行文與馬昊等着設法
防禦隨宜議處務要停當不許違誤欽此

為地方事

看得巡撫貴州都御史鄒文盛等奏稱四川播州宣
慰司重安長官司土舍馮倫買拽天漂等處黑苗攻
打凱里城池殺虜人財官司雖隸四川管轄地方深

入黃州腹裏節經委官勘處四川該道官絕無一實
回報乞要轉行四川鎮巡官督催川東道守巡官親
詣播州地方會同本省守巡兵備等官督責宣慰楊
斌將土舍馮倫等買兵警殺事情勘問仍行楊斌嚴
加禁戢不許越境為患其凱里土舍楊洪官職查照
圖冊保勘承襲若果干碍楊斌一併叅奏定奪等因
查得前項事情先該巡撫貴州都御史鄒文盛具題
已該本部奏行四川鎮巡官議處延今一年之上該
道守巡官員尚未親詣撫處以致鄒文盛等復奏前
因於據四川鎮巡處該道守巡官通合查究但今松

潘番變後犯都御逸馬吳督軍往進總兵官吳坤因
楚蠻作亂又在筠連用兵松潘邊境復報連賊侵擾
各官當此多故之時未免事有妨碍難於顧理合無
本部行文四川鎮巡官查議即今楚蠻事情稍寧即
便督令守巡官前去播州地方會同貴州守巡官將
土舍馮倫等事情勘問議處完結回報若正用兵則
候事寧之日處置通將查議過緣由回奏并徑行貴
州鎮巡官查照本部再行貴州鎮巡官從長計議設
法隄備不可專候四川鎮巡官撫處致誤防禦其要
將楊洪官職查襲一節緣楊洪准與冠帶原無應襲

官職合無亦行四川鎮巡官一併勘議具奏施行正
德十四年三月二十一日具題奉

聖旨是這地方事情着各該鎮巡等官都依擬行欽
此

為十分緊急番情事

看得巡按四川監察御史黎龍奏稱正德十四年三
月內茂州小東路核桃溝上下關子番蠻糾合白若
羅打鼓等寨生番攻圍城堡遊擊將軍張傑叅將芮
錫督軍對敵將賊寨二處燒毀被番招集者蠻三千
有餘殺死指揮龐昇千戶何英百戶李高軍人餘丁

民快被殺并墜崖死者約三四十名遊擊張傑因馬
奔跌身死及審稱官軍大敗四散不曾查點前報殺
死之數不的張傑亦被番蠻殺死吳副使等捏報不
實已行該道分巡官查勘另行及稱查奏議勘合止
稱先將綽領等寺首惡端竹白等勦滅然後斟酌事
勢應否添處兵糧以圖二路大舉今核桃溝非綽領
數內都御史馬昊由松潘掣兵安綿督兵攻打小東
路白草塢等處番寨以致番心驚疑聚眾攻圍城堡
殺死官軍數多要將都御史一為昊叅將芮錫孳解赴
京明正失機之罪太監王保不回別用吳坤吳希由

罷黜另選更替一節查得王保已取回京吳坤見征
叙瀘其征松潘事係馬吳專管吳坤不預及查近該
御史王偉奏要切責馬吳只將端竹白一枝剿治不
必窮追遠討該本部依擬覆奏行令馬吳遵依及該
巡按御史盧雍等劾奏馬吳等不能思患預防以致
失事要行更換亦該本部覆奏請

勅切責外今番賊殺死遊擊張傑等既稱開報不實
另行查勘及查核挑溝雖非綽嶺數內正係端竹白
侵犯關南地方通連道路彼此夾攻或非得已况馬
吳正在用兵此時仍難提問合無本部馬上賞文交

與馬吳務要查照本部節次題奉

欽依內事理欽遵施行如果番賊已退可以止兵即
便掣回設法防守以省供饋如或事正舉行勢難中
止仍須事畢方許掣退中間進止必審機宜不許任
情偏執仍咨都察院行巡按御史黎龍再查前項殺
死遊擊張傑等情由如果輕率寡謀喪師失律將馬
吳芮錫吳希由等候事寧之日依律叅究提問若係
奮勇殺賊衆寡不敵以致陣亡照依近日給事中傅
鑰奏

准事理論功陞賞其遊擊張傑員缺本部於附近四

川地方相應官內推舉請

旨簡用令其上緊前去更替張傑領兵防禦正德十四年六月二十日具題奉

聖旨是這地方殺死將官失事情重馬昊及芮錫等且不提着巡按御史從公查勘明白叅究來說松潘用兵進止機宜還着鎮巡等官依擬審處欽此

為地方緊急事

看得巡按四川監察御史黎龍奏稱天全六番招討高繼恩與蘆山縣知縣屠巒訐奏自合從公督成乃敢肆為兇悖稱兵犯邊圍劫縣治流毒生民兵燹之

慘甚於反賊高繼恩之罪

王法必誅再難曲宥但今松潘用兵未寧筠高結禍未解再生一敵勢難策應若欲仍以尋常處之甚非所以昭

國法以禦四夷之道楊世仁助惡之情雖與高繼恩不同罪亦難恕乞要請削高繼恩官階令其戴罪脩省仍切責楊世仁助惡之罪及稱知縣屠蠻本無御夷之才及乏養威之術無事則攘臂稱首以挑禍亂當事則奉身鼠竄以保妻孥原情坐罪亦將何辭合咨吏部另處太監王保總兵官吳坤都御史馬昊分

守崔旻分巡王芳守備指揮張麟均有地方之責俱
合究治等因查得前項廬山縣知縣屠繼與天全六
番招討高繼恩等各奏事情已該都察院議擬行巡
撫都御史馬昊會同鎮守巡按督同都布按三司守
巡等官勘問干碍夷情重大即便議處具奏於正德
十三年三月內題奉

聖旨着鎮巡等官勘問明白議處停當來說延今一
年之上不見回奏御史黎龍奏內開無前項奏行勘
問緣由顯是彼處鎮巡等官故違

成命不早勘斷以致招討高繼恩不畏

國法恃力讐殺貽患地方損傷

國體論法通當提解來京從重問罪以戒將來但見
今四川松潘敘瀘兩處用兵緊關用人內太監王保
已取回馬昊吳坤因地方失事已請

勅切責守巡官崔旻王芳已住俸戴罪俱待事寧通
查功過具奏定奪難便別議及照建昌兵備副使張
思齊先年額外添設此官往來雅州住劄家邇蘆山
專為撫處夷情而設今招討高繼恩等與蘆山縣知
縣屠繼構怨訐奏張思齊不能禁約撫處及被高繼
恩搶害地方故不依律火速奏聞又不照行移體式

通行巡撫巡按等衙門裁處施行乃敢妄具稟帖舞弄虛文且稱一二勘事人員為利誘勢迫匿不以報不知

朝廷額外設立本官專欲何用合無本部行文馬昊等遵照原奉

欽依戴罪殺賊將副使張思齊并都指揮張麟等俱令住俸嚴督所屬相機行事整搦官軍保障地方仍咨都察院行巡按四川監察御史作急查照前項原奉勘問事情從公勘問明白會同鎮巡官議處停當具奏定奪及咨吏部推選四川附近老成才幹官員

奏

請簡用代補張思齊及屠繼員缺俱令作急前去接管行事待其到任之後巡按官即將屠繼張思齊提問如律俱監候奏

請發落仍將承命勘事鎮巡三司等官馬昊等逐一根究的係何人遲悞以致失機分別情罪輕重一併奏

請定奪再令四川都司行文天全六番招討司切責高繼恩并楊世仁各令從實認罪回話俱差的親兒男賚本赴京投進伏候

朝廷定奪正德十四年六月二十八日具題奉

聖旨是這地方夷情已有旨着鎮巡等官勘問如何
延久不斷以致釀成禍患好生誤事王保已取回罷
吳坤且不提待事寧之日一併叅奏了來說馬吳張
思齊屠巒着錦衣衛差的當官校賫駕帖去拏解來
京張麟等都住了俸着嚴督所屬保障地方先後各
奏情詞巡按御史從公勘處并根究承委官員遲誤
情由分別輕重一併奏來定奪高繼恩并楊世仁各
着從實回將話來欽此

為乞恩分辯誣枉查驗泯沒軍功以彰恤典事

看得百戶高薦奏乞備查其父高崇熙原任巡撫四川都御史奏報功次照例量加

恤典一節查得高崇熙提督四川軍務指授方畧首破方曹之衆擒斬萬餘據太監韋興所奏及御史汪景芳給事中王萱紀功文冊實為有功其後因廖麻子等殘賊率衆歸降獻納器械苦告解散情願安插崇熙遵照原奉

勅書及節奉

欽依事理撫處間適遇添差都御史彭澤等統兵馬境催督各路官軍聽調勅殺廖麻子等因見撫約中

變向副使張敏稟說上司許我到臨江市買房屋安
挿今到二十餘日並無一箇上司來處暗地又調鄉
兵截殺搶奪人馬顯是賺哄我們且回川北道地方
遊食當即殺人放火等語可見廖麻子等賊替招復
叛由於彭澤遽改崇熙原議所致倘使崇熙不先招
撫則廖麻子等豈肯束手就擒亦必為害不已又將
歸罪何人初彭澤奏崇熙等不能運籌以成招撫之
計祇欲掩其贖兵殺降之罪耳本部先任尚書何鑑
遂假此妄參崇熙擅將地方許賊安挿不候

明旨輒便掣兵以致賊徒復起崇熙緣此掣解赴京

死於中途殊不知賊之解散由於掣兵其後復叛由
於用兵至其捨殺地方則未撫之先其害為甚聽撫
之後其害為輕况當鄔藍方曹虐熿熿熿之日崇熙
等所統不過本處軍馬所在財用往往匱乏乃能擒
斬萬餘降散數萬成功為難及鄔藍方曹既誅之後
止餘廖麻子一枝殘賊勢已窮感彭澤等所統邊鎮
強兵奏用

內帑銀二十餘萬兩乘賊聽撫解散之餘一鼓擒滅
成功為易前事已往臣等不敢追論但今高薦訴枉
祈

恩亦不敢昧是非之實委曲回護也查得崇熙因建前功已蒙

朝廷降

勅獎勵陞俸一級後因太監韋興論其功績復蒙聖明察其有功無罪特於既沒之後

賜祭一壇

恩至渥矣但崇熙死於道路事未結絕原官未復九泉之下功罪未明雖蒙

諭祭不敢欽承合無准復崇熙原任都察院右副都御史之職或量加贈一官或別加

恩典臣等俱未敢擅擬伏乞

聖裁正德十四年八月初一日具題奉

聖旨是高崇熙既有擒斬賊首方四曹甫等功次准
贈右副都御史伊男高鷹蔭陞世襲一級欽此

為緊急賊情事

看得巡按四川監察御史盧雍劾奏叙瀘守備都指
揮僉事杜琮始則失信殺降以激夷人之變次則望
風自怯以貽居民之憂終則墮賊計而專務招降失
機會而遂致復熾要將杜琮提問別選謀勇人員代
其守備惟復責限成功以贖前過一節切詳杜琮既

是殺降激變夷人情犯深重難以復留守備合無本

部移咨都察院行巡按四川監察御史差人將杜琮

拏問依律議擬照例奏請發落本部照例推舉相應

官員前去更替守備及照僉事田荆係添設專一勅

節敘瀘岳備官員與杜琮責任一同杜琮殺降激變

夷人田荆應合糾舉救正今奏內止叅杜琮不叅田

荆未審有何所見合無本部行文巡撫四川右都御

史馬昊查勘棘蠻叛亂事情緩急并原議立縣增糧

等項事件有無人情順逆作急會同計議從長定奪

務在處置停當地方安妥不許偏執遂非釀成大患

責有所歸仍查僉事田荆不能振揚風紀糾察奸弊符同杜琮失職誤事一體叅奏究治施行正德十四年十二月二十六日具題奉

聖旨是杜琮提了閬棘蠻叛亂并原議立縣增糧項事情着撫按官查勘明白處置俾當來說欽此

為請處軍餉赴時攻剿久叛棘賊以靖地方事

看得巡按四川都御史盛應期題稱白水三江等處棘蠻嘯聚攻劫縣治戕殺人民罪惡貫盈天討固所當加但兵戈一動全蜀安危所係且兵部原議用兵禦侮先宜內撫不敢輕忽大舉臣等再三會議從長

計處調取漢土官兵并敘瀘嘉眉兵勇趁今天和水
涸責令守備何卿并選慣戰驍勇官員領兵直抵江
邊一面着落芒部烏蒙二府地方把截後路選差鄉
導徑入賊巢宣布

恩威設法撫處如果聽撫另議上請定奪從宜安插
隨俗處分如執迷不服即便整率官軍刻期並進分
路夾攻有功者遵照原議行委分巡僉事紀驗巡按
御史覈實仍責成分守叅政李督糧右叅政胡雍
僨運僉事田荆王芳領軍監督兵糧若有不敷聽臣
等再行從宜調遣一節查得先任巡撫四川都御史

馬昊征勅螻蠻論者以為貪功生事今都御史盛應期等又奏螻蠻天討當加已調漢土官兵處置糧餉刻期征進會本奏來仍與馬昊前議相同欲不淮擬但恐事已舉行勢難中止臣等竊論盛應期此舉雖能斷决或少遠慮况巡按御史黎龍未見奏到中間議論恐有異同且征勅螻蠻必用烏芒以資其兵力必約會貴州以防其奔突斯為萬全今奏但行烏芒把截後路而不及貴州似欠周詳及查貴州巡撫都御史鄒文盛已陞離任合無本部行文馬上齎與貴州巡按御史鎮守太監總兵官知會即日計議量調

官軍設法防禦果遇棘蠻奔突入境相機截殺其四
川用兵事情待後都御史盛應期等奏報至日有無
成功議奏定奪正德十五年四月二十九日具題奉
聖旨是這地方棘蠻嘯聚攻劫縣治搶殺人民節次
撫剿已經三年之上未得寧息著量具州巡按御史與
內外鎮守官公同計議依擬量調官軍設法防禦相
機截殺其用兵事情還待都御史盛應期等奏報至
日來說欽此

為地方事

看得巡按四川監察御史黎龍奏稱松潘地方西黃

寨番蠻殺牛泡酒聲言要攻城堡齊心大壞事一場
取討各項年例等錢天破也罷等語自正德十四年
十等月日節次上道搶掠人財及將賫

詔生員陳詔虜去等情奏稱副總兵叅將副使等官
任偏權小難於整理乞要本部查議行巡撫都御史
盛應期照依成化年間舊規每年自正月起至六月
止駐劄松潘將地方有無安靖具本奏聞乞許前去
腹裏巡歷自七月起至十二月終止則事有責成邊
境無患一節查得云年十二月內都御史盛應期等
前項會議奏稱查畏服投降奏乞罷兵防守該本

部議得不可因一時之安遂忘久遠之備將戰守事宜覆奏未奉

明旨今御史黎龍隨奏前因顯是盛應期等不諳邊情輕率奏報及照四川巡撫都御史職任雖以松潘為重若腹裏有事松潘事寧豈得匏繫松潘不去腹裏又豈得拘於半年之例膠固不移見今盛應期奏來已會總兵官吳坤調集官軍征剿棘蠻况天全六番地方亦當有事若依今奏行令盛應期即來松潘住劄不無顧此失彼查得副總兵張傑久在松潘屢經戰陣謀勇素著及查松潘先年因差大臣巡守取

回方設兵備副使更代訪得胡澧才力似非所宜今
御史黎龍既奏張傑等任偏權小難於整理合無將
張傑照鎮守山西三關副總兵事例改擬鎮守松潘
名目量陞職級重其事權換

勅一道賫付本官欽遵行事操練官軍脩理城堡積
運糧餉相機戰守保障邊疆開通道路如遇都御史
住劄松潘凡事會同計議而行若出巡腹事遇警
急徑自處置調遣叅將以下悉聽節制事干勾補軍
伍僨運糧餉等項議行兵備副使催理不許遲誤副
使胡澧合無行移吏部查照資格淺深量為陞改別

用另推諳曉邊情才力有為附近地方官員陞補前
缺咨報本部請

勅齎付令其作急前去松潘到任以濟時艱其巡撫
都御史盛應期總兵官吳坤待征剿棘蠻事畢腹裏
地方俱各寧息之日盛應期不必拘定月日常在松
潘住劄腹裏有事方許出巡吳坤另議奏請裁革正
德十五年五月十三日具題奉

聖旨

為循舊例設重臣以積患事

看得給事中張翀奏要多官集議可否比照陝西江

西及先年羅綺等例松潘添設都御史一員駐於其地一節查得先年侍郎羅綺暫時差遣不係添設在彼官員及董軒雖曾添設在彼事無成效後復裁革及查陝西延綏寧夏甘肅三邊與腹裏隔遠江西南贛與福建汀漳及廣東湖廣四省地界相連亦非松潘一隅之比今給事中張翀奏要另設都御史一員專一整理松潘固欲專委任以責成效之意但松潘兵糧皆資於四川腹裏既有都御史一員巡撫四川又設都御史一員專理松潘事必掣肘益難責成董軒之設是其明驗今查先年設立巡撫四川都御史

務令上半年當在松潘住劄已有專委之責見今松
潘設有副總兵一員叅將二員遊擊將軍二員專理
亦皆有人合無本部行文巡撫四川都御史腹裏無
事常在松潘住劄整理邊備防禦番寇若遇腹裏有
事巡撫不在副總兵等官各照原奉

勅書內該載事理欽遵行事相機戰守如有失事聽
巡按御史指實奏究治正德十五年五月十八日
具題奉

聖旨是欽此

為飛報番蠻攻撲城保事

看得巡按四川監察御史黎龍奏稱松茂各寨番蠻
出沒道路不通二十餘年都御史馬昊等奏請征剿
親臨邊境任怨劬勞總兵官吳坤協謀議討副總兵
張傑勇敢協夷人之心剝撫盡將官之職僉事劉成
德委驗功次守法不阿隨軍深入勞苦不避叅將王
偉芮錫布政使華璉致仕叅議張繹兵備副使胡澧
吳希由僉事楊薰呂翀或防守督軍或饋運糧餉或
盡心撫處或建議罷兵均效勞勩都布按三司掌印
左布政使張琮右布政使沈恩按察使彭杰都指揮
僉事廩瑛或協謀議剿於前或審勢議撫於後都御

史盛應期太監王潤到任雖在用兵之後料敵能審
罷兵之機建議撫處這釁不生前巡按御史盧雍用
兵雖其去任之後議兵實其在任之時指揮僉事何
卿張倫蔣成鄴爵陣止龐昇等功次多寡備載文冊
可查所據前項各官功之大小應陞應當應廢應錄
或以功贖罪或過不掩功乞要本部查議酌處上請
施行一節臣等議得松茂之役專為除害安民豈期
各官輕率淺謀用兵一年之間斬獲賊首不過三百
餘級而軍士陣亡被殺幾至三千行齎居送徵求調
發全蜀受害竟不能使番賊畏威斂迹而副使吳希

晉書卷之八十一
由當被圍之時納弊求和與副使胡澧符同隱蔽虧損

國威莫此為甚及芮錫臨陣先退以致損折官軍并副總兵張傑叅將王偉俱該本部別本叅奏及總兵官吳坤先差敘瀘用兵并布政使華璉等俱功微通難論擬外所據指揮何卿等功次并陣亡人員既該御史黎龍造冊奏繳合無本部將何卿等照冊另行查議奏請陞賞正德十五年六月二十日具題奉

聖旨是這各官不以地方為重輕率淺謀用兵一年損折官軍幾至三千斬獲賊首不過三百餘級好生

誤事已別有旨處治了何卿等功次并陣亡人員你部裏便查議了來說欽此

為軍務事

看得巡撫四川副御史盛應期奏稱會同鎮守太監王潤巡按御史黎龍議得松潘諸番環布兩河不時出沒弘治十七等年殺害官軍守臣議奏調兵征剿及添遊擊將軍馬聰杜瑛二路巡視後因裁革竊視縱橫正德六年間端竹白等遂尔煽虐攻堡阻人
民被其殘害官軍被其殺虜正德十一年太監王保都御史馬昊總兵官吳坤巡按御史盧雍會奏大舉

三才圖會卷之二
三十一
蒙降

勅議處撫剿端竹白等因見軍威屢振畏懼剿殺各
備銀兩馬甲等物情愿投降脩理關堡認守地方再
三會行覆勘委係是實比前我

皇上天威遠被

廟堂謀議深遠處置得宜數十年稔惡番夷得遂款
附之誠西蜀數百萬生靈得蒙更生之澤但番夷變
詐莫測難保有終欲攘外侮必先安內臣等審度時
勢隨宜守剿彼番聞風畏威豈敢頻仍肆惡及稱松
茂往年春秋二八月一次副總兵與右叅將一次松

潘兵備與茂州兵備副使彼此交會。是壽畫邊計。宜諭
番夷遊擊將軍領兵防送。已有定例。合再申明舉行。
又稱副總兵張傑兵備副使胡澧。無緣番衆脩復關
堡。不煩血刃。姦宄潛消。相應激勸。乞要計議。將前項
番夷免行征剿。原調漢土官軍兵勇俱行停調。及行
令松茂副叅并兵備官員查照舊例。互相巡視。彼此
交會計處邊務。遊擊將軍領兵同行防護。遇有番夷
出沒。相機截殺。每次將巡視過日期。并地方有無事
情。緣由開報。臣等奏繳。如有警。不會停當。輕率妄動。
及推奸避事。不行依期巡視。失誤奏報。俱聽臣等參

奏處治副總兵張傑副使胡澧請乞

聖裁量加賞犒以勵將來等因臣等議得番賊端竹
白等先日殘害居民殺虜官軍奪古南路關堡過半
肆無忌憚後因都御史馬昊等調兵征剿番賊被殺
逃散官軍乘勝脩復關堡逼近賊巢端竹白等懼怕
剿殺方纔投降聽受撫諭豈張傑胡澧口舌化諭兵
不血刃之所致查得張傑胡澧係原會議用兵官員
及征剿松潘番賊節次斬獲首級有功人員巡按御
史黎龍見奉

勅紀驗今若不候通查明白論功行賞先將張傑胡

禮量加賞犒恐無以服人心合無本部移咨都察院
行巡按四川監察御史遵照本部前項題奉

欽依隨軍紀功事理將征進松潘有功官軍副總兵
張傑等作急查明造冊奏繳以憑議擬陞賞其都御
史馬昊提督用兵前既獲功後有失事亦分別功罪
多寡從公論擬應否陞賞准贖緣由具奏定奪及照
番夷既降兵宜停止合無本部行文都御史盛應期
即將原調漢土官軍放回本處操守原買空運糧米
已領在途者量增腳價仍令運赴原指倉廩交納以
備軍餉未買者追收原銀還官備邊支用守堡未到

官軍務要查究發堡以防不虞松潘地方未經脩復
關堡并端竹白等自任脩守關堡責任副總兵張傑
副使胡澧務須乘其畏服之時查考脩復著實完報
不可因一時之安遂忘久遠之備後來失事咎必有
歸其所奏副叅兵備遊擊等官春秋巡視會議邊務
相機戰守具由奏報等項事宜悉依所擬施行正德
十五年七月十一日具題奉

聖旨是這有功官軍着巡按御史查明具奏陞賞馬
旻待問擬了來說其餘都

晉溪本兵敷奏卷八終